



官板

唐六典

六

74
6294
6



74
6294
卷 6

大唐六典大府寺卷第二十

唐 元宗御 撰

集賢院學士兵部尚書兼中書令修國史上柱

國開國公臣李林甫等奉 敕注上

大府寺

卿一人

少卿二人

丞四人

主簿三人

錄事三人

去
水
五
味
均
平
藏

30
01



府十五人

史五十人

計吏四人

亭長七人

掌固七人

兩京都市署

令一人

丞各二人

錄事二人

大府三人

中府三人

小府三人

史七人

典事三人

掌固六人

平準署

令一人

丞四人

錄事一人

府六人

史十人

監事六人

典事二人

價人十人

掌固二人

左藏署

令三人

丞五人

平府九人

史十八人

監事八人

典事十二人

掌固八人

右藏署

令二人

丞三人

府五人

史十三人

監事四人

典事七人

掌固十人

常平署

令一人

丞二人

府四人

史八人

監事五人

典事五人

掌固六人

太府寺卿一人從三品

周禮天官有太府下大夫上士下士掌九貢九賦九功之

式以受其貨賄之入頒其貨于受藏之府頒其賄於受用之府凡官府都鄙之吏及執事者受財用焉則今太府之任也秦漢已下不置其官其職并於司農少府梁天監七年始置太府班第十三掌金帛府祭

統右藏令上庫丞大市南市北市令關津亦皆屬焉陳因之品第三後魏太和始改少府為太府卿品

第三北齊因之後周有太府中大夫又有計部中大

夫隋大府寺卿一人正五品上統左藏左內右內三

尚方司染右藏掌治甄官等署各置令丞至煬帝分

大府寺置少府監管三尚方及司染掌冶等署而太

從三品皇朝因之至龍朔二年改為外府正卿咸亨

元年復故光宅元年改為司府寺神龍初復舊

少卿二人從四品上

後魏孝文帝改少府為太府置少卿一人第四品上北齊因之

隋煬帝加至二人龍朔咸亨光宅神龍並隨寺改復

太府卿之職掌邦國財貨之政令總京都四市平準

左右藏常平八署之官屬舉其綱目修其職務少卿

為之貳以二法平物一曰度量

度謂分寸尺丈二曰量謂合升斗斛

權衡權重也衡平也金銀之屬謂之寶錢帛之屬謂之貨絹

日匹布日端綿日屯絲日絢麻日緹金銀日錠錢日

貫凡四方之貢賦百官之俸秩謹其出納而為之節

制焉諸州庸調及折租等物應送京者並貯左藏其雜送物並貯右藏庸調初至京日錄狀奏聞每

旬一奏凡絹布出有方土類有精粗絹分為八等布

分為九等所以遷有無和利用也宋毫之絹復州之

黃州之貨並第一等鄭汴曹懷之絹常州之絹舒蘄

黃嶽荆之火麻廬和晉泗之貨並第二等滑衛陳魏

相冀德海泗濮徐兗貝博之絹楊湖沔之絹徐楚廬

壽之火麻絳楚滁之貨並第三等滄瀛齊許豫仙棣

鄆深莫洛邢恒定趙之絹蘇越杭蘆之絹許幽潭

之火麻澤潞沁之貨並第四等潁淄青沂密壽幽易

申光安唐隨黃之絹衢饒洪婺之絹京兆太原汾之

貨並第五等益彭蜀梓漢劍遂簡綿襄襄鄧之絹郢

合之貨並凡供祀昊天上帝幣以蒼配帝亦如之皇

第九等地祇幣以黃配帝亦如之祀大明幣以青夜明幣以

白神州幣以黃太社太稷之幣皆以元后稷亦如之

先農幣以青先蠶幣以元蜡祭神農幣以赤伊祁氏

幣以元祀五方帝五官內官中官外官五星二十八

宿及眾星嶽鎮海瀆山林川澤邱陵墳衍等之幣皆

以其方色祈告宗廟之幣及孔宣父齊太公皆以白

凡幣皆長一丈八尺

凡幣皆長一丈八尺

江之紵褒洋同岐之貨並第六等資眉邛雅嘉陵閬

普壁集龍果洋渠之絹台括撫睦歙虔吉溫之紵唐

慈坊寧之貨並第七等通巴蓬金均開合興利泉建

閩之絹泉建閩表之紵登萊鄧之貨並第八等金均

丞四人從六品下

梁選部太府丞一人品第七下後周因之後魏亦一人品第六人正七品

太府上士一人亦丞之任也隋太府丞六人正七品下大業三年增為從五品皇朝置四人從六品上垂

拱中省一人開元又加焉

主簿二人從七品上

梁置太府主簿一人七班之中為第三陳因之後魏主簿一人

隋四人從七品皇朝置三人至太極中省一人太府寺管木契七十隻十隻與左藏東庫合十隻與左藏西庫合十隻與右藏內庫合十隻與右藏外庫合又十隻與東都左藏庫合十隻與東都右藏庫合各九隻一雌九雄太府主簿掌一雌庫官掌又五隻與左藏朝堂庫合五隻與東都左藏朝堂庫合各四雄一雌其契以次行用

錄事二人從九品上

丞掌判寺事凡左右藏庫帳禁人之有見者若請受

輸納人名物數皆著於簿書每月以大摹印紙四張為之簿而丞眾官同署月終留一本於署每季錄奏兼申所司凡元正冬至所貢方物應陳於殿庭者受而進之凡會賜及別敕錫賚六品以下即於朝堂給之主簿掌印省署抄目勾檢稽失凡置木契九十五隻二十五隻與少府將作苑總監合七十隻與庫官合十五隻刻少府監字十四隻雄付少府監五隻刻將作監字四隻雄付將作監五隻刻苑總監字四隻雄付苑總監皆應索物雌留太府寺凡官私斗秤量尺每年八月詣寺校印署無或差謬然後聽用之禮記

月令云仲春仲秋日夜分則全度量平權衡正鈞石角斗甬

錄事掌受事發辰

兩京諸市署各令一人從六品上昔神農祝融氏始作市易曰日中為

市致天下之民聚天下之貨交易而退各得其所蓋取諸噬嗑石氏星經天市垣二十二星周禮地官有司市下大夫上士中士下士其屬有質人鄜人胥師賈師司暴司稽肆長蓋諸市官也漢改秦內史為京兆尹其屬官有長安市長丞後漢河南尹屬官有雒陽市長丞魏晉因之東晉隸丹陽尹宋齊因之梁始隸太府梁選部大市令屬四品市職之任不容過卑天監三年革其選陳因之後魏京邑市令從五品中北齊司州牧領東西市署令丞後周司市下大夫一人隋司農寺統京市令丞煬帝三年改京市隸太府寺京師東市曰都會西市曰利人東都東市曰豐都南市曰大同北市曰通遠皇朝因之京置東西南三市按東都西則隋南市也南市則隋東市也都南市舊兩坊之地武德中減為坊半焉垂拱中省京南市

開元十年又省都西市

丞各二人正八品上後漢雒陽市丞一人三百石魏晉宋齊因之梁有太市北三市

丞位在七班之下陳因之後魏闕文北齊有東西市丞後周有小司市上士下士一人隋有京南丞皇朝

因之焉

京都諸市令掌百族交易之事丞為之貳凡建標立

候陳肆辨物按周禮肆長各掌其肆之政令陳其貨賄名相近者相遠也實相近者相邇也

而平以二物平市斗謂秤以格以三賈均市精為上賈次為中賈

粗為下賈凡與官交易及懸平贓物並用中賈其造弓矢

長刀官為立樣仍題工人姓名然後聽鬻之諸器物

亦如之以偽濫之物交易者沒官短狹不中量者還

主周禮司市偽飾之禁在入者十有二在商者十有二在賈者十有二在工者十有二王制亦云用器兵車不中度布帛精麤不中數幅廣狹不中量姦色亂正色五穀不時果實未熟木不中伐禽獸魚鼈不中殺皆不凡賣買奴婢牛馬用本司本部公驗以立

券凡賣買不和而權固權謂專略其科固謂鄭固其市及更出開閉

共限一價謂賣物以賤為貴買物以貴為賤若參市而規自入者並

禁之謂在旁高下其價以相惑亂也凡市以日午擊鼓三百聲而眾

以會日入前七刻擊鉦三百聲而眾以散周禮大市日昃而市

百族為主朝市朝時而市商賈為主夕市夕時而市販婦販夫為主

丞兼掌監印句稽

錄事掌受事發辰

平準署令二人從七品下周禮有貨人中士下士主平定物價也漢大司農屬

官有平準令丞韋昭辨釋名云平準主平物價使相

依準史記桑宏羊領大農令以諸官各自市相事以

故物多騰躍乃請置大農部丞數十人分部主郡國

置平準於京師受天下委輸盡籠天下之貨物貴則

賣之賤則買之如此則富商大賈無所牟大利矣所

以置平準焉故趙廣漢廉潔下士州舉茂才為平準

令後漢大司農屬官有平準令丞各一人令六百石

丞二百石掌知物價及主練染作采色至和帝改平

準為中準以宦者為令丞列于內署自是諸署令悉

用宦人魏氏闕文晉少府屬官有平準令丞宋順帝

諱準改曰染署齊太府有平準令丞梁陳有平水令

丞後魏闕文北齊司農寺統平準令丞後周有平準

中士下士隋司農屬官有平準署令丞煬帝

大業三年改平準署隸太府寺皇朝因之

丞四人從八品下

監事六人從九品下

平準令掌供官市易之事丞為之貳凡百司不在用之物則以時出貨其沒官物者亦如之

左藏署令三人從七品下周禮有外府中士主泉藏之在外者掌邦布之出入

以供百物而待邦用也又有職幣上士中士主貨幣

後漢少府屬官有中藏府令丞各一人掌中藏幣帛

金銀貨物魏氏因之晉少府屬官有左右藏令東晉

御史九人各掌一曹有庫曹御史後復分庫曹置外

左庫內左庫宋文帝省外左庫而內左庫直云左庫

武帝復置前廢帝又省齊陳梁有右藏庫無左藏後

魏闕文北齊太府寺統左右藏令丞後周有外府上

士中士二人掌絹帛絲麻錢物皮角筋骨之藏隋有

左藏署令丞皇朝因之左藏有東庫西庫朝堂庫又

有東都庫東都朝堂庫各掌一木雌契一與太府主簿合之

丞五人從八品下隋有四人皇朝加一人

監事八人從九品下

左藏令掌邦國庫藏之事丞為之貳凡天下賦調先

於輸場簡其合尺度斤兩者卿及御史監閱然後納

于庫藏皆題以州縣年月所以別麤良辨新舊也凡

出給先勘木契然後錄其名數及請人姓名署印送

監門乃聽出若外給者以墨印印之凡官物應入私已出庫而未給

付若私物當供官之物或雖不供官而皆掌在其官並同官物之例也凡藏院之內禁

人然火及無故而入者院內常四面持仗為之防守

夜則擊柝分更以巡警焉

右藏署令二人正六品上周禮有內府中士主良貨賄藏在內也又有藏內上

士中士主泉貨所入並今右藏之職至秦漢已來則分在司農少府其職常廢置並與左藏同隋太府寺統右藏令丞各三人皇朝因之右藏有內庫外庫東都庫各木雌契一隻與太府寺主簿合之

丞三人正九品上隋有二人皇朝置三人

監事四人從九品下

右藏署令掌邦國寶貨之事丞為之貳雜物州土安西于闐之玉

饒道宣永安南邕等州之銀楊廣等州之蘇木象牙永州之零陵香廣府之沉香霍香薰陸雀舌等香京兆之艾納香紫草宜簡潤彬鄂衡等州之空青石碌辰溪州之硃砂栢州之白粉岩州之雌雄黃絳易等州之墨金州之梔子黃檗西州之高昌礬石益府之大小黃白麻紙弓弩弦麻杭婺衢越等州之上細黃白狀紙均州之大摸紙宣衢等州之案紙次紙蒲州之百日照油細薄白紙河南府許衛懷汝澤潞等州之免皮鄜寧同華號晉蒲絳汾等州之狸皮越州之竹管涇寧邠龍蓬等州之蠟蒲絳鄭貝等州之瓊河南

府同鄧許等州之膠蒲同號等州之席涇丹鄜坊等州之麻京北岐華等州之木燭九四方所獻金玉珠貝玩好之物皆藏之出納禁令如左藏之職

常平署令一人從七品下漢書食貨志管仲相桓公通輕重之權曰歲有凶穰

故穀有貴賤令有緩急故物有輕重人君不理則商賈遊於市乘人之不給百倍其本矣故萬乘之國必有計本量委則足矣然人有飢餓者穀有所藏也人有餘則輕之故人君斂之以輕人不足則重之故人君散之以重凡輕重斂散以時即準平李悝曰糴甚貴傷民甚賤傷農民傷則離散農散則國貧故甚貴甚賤其傷一也是故善平糴者必也謹觀歲有上中下熟故大熟則上糴三而舍一中熟則糴二下熟則糴一小糴則發小熟之所斂中糴則發中熟之所斂大糴則發大熟之所斂而糴之故雖遇飢饉水旱糴不貴而人不散孟子曰狗彘食人食而不知檢塗有餓殍而不知發蓋並常平之義漢宣帝即位歲數豐穰穀至石五錢農人少利大司農中丞耿壽昌遂白

令邊郡皆築倉以穀賤時增其價而糶穀貴時減其價以糶名常平倉人便之後漢明帝永平五年歲比登稔作常滿倉立粟市於城東粟斛直錢三十晉武帝泰始四年乃立常平倉豐則糶儉則糶以利百姓東晉宋齊無閒梁有常平倉而不糶陳亦如之後魏太和十二年有司上言請京都度支歲用之餘各立官司年豐糶貯於倉時儉加私之二糶之於人北齊諸州郡皆別置富人倉初立之日準所領中下之戶數口數得支一年糧遂次當州穀價賤時斟量割當年義租充入穀貴下價糶之賤則還用所糶物依時價糶貯隋開皇三年於河西勒百姓立堡營田積穀京師置常平倉又以倉庫尚虛衛州置黎陽倉洛州置河陽倉陝州置常平倉華州置廣通倉轉相委輸漕關東之粟以給京師又募人能於洛陽運米四十石經砥柱達于常平倉者免其徵戍以此通轉運亦非糶糶皇朝垂拱初兩京置常平署天下諸州亦置之

丞二人從八品下

監事五人從九品下

常平令掌平糶倉儲之事丞為之貳凡歲豐穰穀賤人有餘則糶之歲饑饉穀貴人不足則糶之與正義倉帳具其本利同申凡出納禁令如左藏之職焉

唐六典卷二十終

府七人

史十三人

亭長六人

掌固八人

國子博士二人

助教二人

學生三百人

典學四人

廟幹二人

掌固四人

大司馬監丞餘二十一

太學博士三人

助教三人

學生五百人

典學四人

掌固六人

四門博士三人

助教三人

學生五百人

俊七八百人

典學四人

掌固六人

國子直講四人

大成十人

律學博士一人

助教一人

學生五十人

典學二人

書學博士二人

學生三十人

典學二人

算學博士二人

書學學生三十人

學書典學二人

國子監祭酒一人

周禮師氏以三德三行教國子一曰至德二曰敏德

三曰孝德一曰孝行二曰友行三曰順行凡國之貴遊子弟學焉又保氏養國子以道教之六藝謂禮樂射御書數漢官儀云漢置博士祭酒一人秩六百石後漢以博士聰明有威長者一人為祭酒韋昭辨釋名曰祭酒者凡燕饗必尊者長老以酒祭先故曰祭酒徐廣曰古者具饌則賓中長者舉酒祭地示有先也魏因之晉武帝立國子學置祭酒一人晉令曰祭酒博士當為訓範總統學中眾事傳暢諸公讚云裴頠為國子祭酒奏立國子太學起講堂築門闕刻石寫五經百官志祭酒皇朝服介幘進賢兩梁冠佩水蒼玉官品第三東晉及宋齊並同梁置國子祭酒一人班第十三此列曹尚書陳國子祭酒秩中二千石

第三後魏初第四品上太和二十三年增為從第三品北齊改為國子寺祭酒一人從三品後周開隋初國子學祭酒隸太常從三品開皇十三年復置國子寺仁壽元年罷國子唯置太學大業三年改為國子監依舊置祭酒一人皇朝因之龍朔二年改為大司成咸亨中復舊光宅元年改為成均監祭酒神龍元年復舊

司業二人從四品下禮記曰樂正司業父師司成秦漢已來無聞隋大業三年置司

業一人從四品皇朝因之龍朔二年改為少司成咸亨中復舊垂拱中增置二人

國子祭酒司業之職掌邦國儒學訓導之政令有六學焉一曰國子二曰太學三曰四門四曰律學五曰書學六曰算學凡春秋二分之月上丁釋奠于先聖孔宣父以先師顏回配七十二弟子及先儒二十二

賢從祀焉舊令唯祀十哲及二十二賢開元八年救列曾參於十哲之次并七十二子並許從

祀其名歷已具於祠部祭以太牢樂用登歌軒縣六佾之舞若

與大祭祀相遇則改用中丁祭酒為初獻司業為亞

獻博士為終獻若皇太子釋奠則贊相禮儀祭酒為

之亞獻皇帝視學皇太子齒胄則執經講義焉凡釋

奠之日則集諸生執經論議奏請京文武七品以上

清官並與觀焉凡教授之經以周易尚書周禮儀禮

禮記毛詩春秋左氏傳公羊傳穀梁傳各為一經孝

經論語老子學者兼習之諸教授正業周易鄭元王弼注尚書孔安國鄭元注

三禮毛詩鄭元注左傳服虔杜預注公羊何休注穀梁范甯注論語鄭元何晏注孝經老子並開元御注

舊令孝經孔安國鄭元注老子河上公注其禮記左傳為大經毛詩周禮儀禮為中經周易尚書公羊穀梁為小經每歲終考其學官訓導功業之多少而為之殿最

丞一人從六品下

隋大業三年置國子丞三人從六品皇朝省置一人

主簿一人從七品下

北齊國子寺置主簿員一隋置一人皇朝因之

錄事一人從九品下

北齊國子學有錄事員一隋置一人皇朝因之

丞掌判監事凡六學生每歲有業成上于監者以其

業與司業祭酒試之明經帖經口試策經義進士帖

一中經試雜文策時務徵事其明法明書算亦各試

所習業登第者白祭酒上于尚書禮部

其試法皆依考功又加以

口試明經帖經通入已上明法明書皆通九已上

主簿掌印勾檢監事凡六學生有不率師教者則舉

而免之其類三年下第九年在學及律生六年無成

者亦如之

假違程限及作樂雜戲亦同唯彈琴習射不禁

錄事掌受事發辰

國子博士二人正五品上

漢書百官表云博士秦官也掌通古今秩比六百石

員多至數十人武帝置五經博士宣帝稍增員十二人漢儀云文帝博士七十餘人為待詔博士朝服元端章甫冠司馬彪百官志去博士十四人魏以太常統太學博士祭酒晉帝初置博士十九人成寧四年立國子學置國子博士一人晉官品第六介憤兩梁冠服佩同祭酒宋齊無所改作梁置國子博士二人為九班陳品第四秩千石後魏初國子博士從五品上太和二十二年增為第五品北齊置國子寺有博

士五人品第五隋初國子隸太常置博士五人大業三年置國子監博士一人正五品皇朝增置二人助教二人從六品上晉武帝初立國子學置助教十人東晉孝武損為十人宋齊並同梁班御史服同博士秩六百石後魏第七品北齊置十人品同後魏隋初置國子助教五人從七品下大業三年減置一人皇朝增置二人

國子博士掌教文武官三品以上及國公子孫從二品已上曾孫之為生者五分其經以為之業習周禮儀禮禮記毛詩春秋左氏傳每經各六十人餘經亦兼習之習孝經論語限一年業成尚書春秋公羊穀梁各一年半周易毛詩周禮儀禮各二年禮記左氏春秋各三年其生初入置束帛一篋酒一壺修一案

號為束修之禮其習經有暇者命習隸書并國語說文字林三蒼爾雅每旬前一日則試其所習業試讀千言內試一帖試講者每二千言內問義一條總試三條通一及全不通擿量決罰每歲其生有能通兩經已上求出仕者則上于監堪秀才進士者亦如之

助教掌佐博士分經以教授焉

典學掌抄錄課業

廟幹掌灑掃學廟

太學博士三人正六品上東晉元帝增置國子博士十六人謂之太學博士品服同國子博士梁置太學博士八人班第二陳品第八秩六百石後魏初第六品中太和二十二年從第

七品北齊國子寺有太學博士十人從第七品後周
 置太學博士下大夫六人班第四隋初置太學博士
 五人仁壽元年罷國子唯立太學置博士五人從五
 品大業三年減置二人降為從六品皇朝增置三人
 助教三人從七品上後魏置太學助教第八品中北
 齊國子寺有太學助教二十人
 從第九品下後周置太學助教上士六人三命隋初
 太學助教五人正九品下大業三年減為一人皇朝
 增置三人

太學博士掌教文武官五品已上及郡縣公子孫從

三品曾孫之為生者五分其經以為之業每經各百

人其束修之禮督課試舉如國子博士之法

助教已下並掌同國子前一日限短其祀曾業

四門博士三人正七品上後魏書劉芳表云太和二
 十年立四門博士於四門

置學按禮記云天子設四學鄭元注周四郊之虞庠
 也今以其遼遠故置於四門請移與太學同處從之
 後魏百官志四門博士第九品北齊置二十人正九
 品上後周闕隋置五人從八品上皇朝減置三人加
 正七
 品上

助教三人從八品上北齊國子寺有四門助教二十
 人隋初置四門助教五人從九
 品下皇朝
 因置三人

四門博士掌教文武官七品已上及侯伯子男子之

為生者若庶人子為俊士生者禮記王制曰命鄉論
 秀士升之司徒曰選

士司徒論選士之秀者升之學曰俊士隋書志曰舊
 國子學處士以貴賤梁武帝欲招來後進五館生皆
 取寒門俊才不拘員
 數數即今之俊士也分經同太學其束修之禮督課

試舉同國子博士之法

助教已下掌同國子

直講四人皇朝初置無員數長安四年始定為四員俸祿賜會同直官例直講掌佐

博士助教之職專以經術講授而已

大成十人皇朝置取貢舉及第人考功簡聰明者試書日誦得一千言并口試策試所習業等

十條通七然後補充仍授散官俸祿賜會同直官例給初置二十人開元二十年減十人

大成通四經業成上於尚書吏部試登第者加一階

放選其不第則習業如初每三年一試若九年無成

則免大成從常調

律學博士一人從八品下晉百官志廷尉官屬有律博士員晉刑法志曰衛覬

奏請置律學博士轉相教授東晉宋齊並同梁天監四年廷尉官屬置胄子律博士位視員外郎第三班

陳律博士秩六百石品第八後魏初律博士第六品太和二十二年為第九品上北齊大理寺官屬有律博士四人第九品上隋大理寺官屬有律博士八人正九品上皇朝省置一人移屬國學

助教一人從九品上皇朝置之

律學博士掌教文武官八品已下及庶人子之為生

者以律令為專業格式法例亦兼習之其束修之禮

督課試舉如三館博士之法

助教掌佐博士之職如三館助教之法

書學博士二人從九品下代本蒼頡作書周禮保氏教以六藝其五日六書鄭

司農云象形會意轉注處事假借諧聲也古謂之小學漢書食貨志曰八歲入小學學六甲五方書計之事晉衛恒字勢曰昔皇帝有沮誦蒼頡始作書契蓋觀鳥跡以興思也秦纂古文有八體一曰大篆二曰

小篆三日刻符四日蟲書五日摹印六日署書七日
及書八日隸書王莽時甄豐校文字復有六書一曰
古文二曰奇字三日篆書四曰佐書五日繆篆六曰
鳥書自漢已來不見其職隋置書學博士一人從九
品下皇朝
加置二人

書學博士掌教文武官八品已下及庶人子之為生
者以石經說文字林為專業餘字書亦兼習之石經
三體書限三年業成說文二年字林一年其束修之
禮督課試舉如三館博士之法

算學博士二人從九品下

代本隸首造數周禮保氏
教以六藝其六曰九數即

九章也一曰方田二曰粟米三曰差分四曰少廣五
日商功六曰均輸七日方程八曰贏不足九曰旁要
漢書律歷志曰數者一十百千萬所以算數事物也
人學是則職在太史羲和掌之魏晉已來多在史官

不列於國學隋置算學博士一
人從九品下皇朝增置二人

算學博士掌教文武官八品已下及庶人子之為生
者二分其經以為之業習九章海島孫子五曹張邱
建夏侯陽周髀十有五人習綴術緝古十有五人其
記遺三等數亦兼習之孫子五曹共限一年業成九
章海島共三年張邱建夏侯陽各一年周髀五經算
共一年綴術四年緝古一年其束修之禮督課試舉
如三館博士之法

唐六典卷二十一終

少府監
 監一人
 少監二人
 丞四人
 主簿二人
 錄事二人

大唐六典少府軍器監卷第二十二

唐元宗御撰

集賢院學士兵部尚書兼中書令修國史上柱

國開國公臣李林甫等奉 敕注上

少府監

監一人

少監二人

丞四人

主簿二人

錄事二人

府二十七人

史十七人

計史三人

亭長八人

掌固六人

中尚署

令一人

丞四人

府九人

大司史十八人

監作四人

典事四人

掌固四人

左尚署

令一人

丞五人

府七人

史二十人

監作六人

典事十八人

掌固十四人

右尚署

令一人

丞四人

府七人

史二十人

監作六人

典事三人

掌固十人

織染署

令一人

丞二人

府六人

史十四人

監作六人

典事十一人

掌固五人

掌冶署

令一人

丞二人

府六人

史十二人

監作二人

典事二十三

掌固四人

諸冶監六人

每冶監各一人

丞各一人

錄事各一人

府各一人

史各二人

監作四人

典事二人

掌固四人

北都軍器監

監一人

少監一人

丞一人

主簿一人

錄事一人

府十人

史十八人

典事四人

亭長二人

掌固四人

甲坊署

令一人

丞一人

府二人

史五人

監作二人

典事二人

弩坊署

令一人

丞一人

府二人

史五人

監作二人

典事二人

諸鑄錢監

監各一人

副監各一人

丞各一人

監事各一人

錄事各一人

府各三人

史各四人

典事各五人

互市監

每市監一人

丞各一人

錄事各一人

府各二人

史各四人

價人各四人

掌固八人

少府監監一人從三品

漢書百官表云少府秦官掌山海池澤之稅以給供養有

六丞其屬官有尚書符節太醫太官湯官導官樂府若盧考工室左弋居室甘泉居室左右司空東織東園匠十二官令丞又胞人都水均官三長丞又上林十池監又中書謁者黃門鉤盾尚方御府丞巷內者宦者八官令丞諸僕射署長中黃門皆屬焉少府者天子之私府所以供奉之職皆在焉王莽改曰

其工後漢復為少府其尚書郎中符節皆屬焉餘職多所并省漢官解詁云少府主供養陂池禁錢服御口實掖庭中宮魏因之晉置功曹主簿五官等員少府銀章青綬五時朝服進賢兩梁冠絳朝服佩水蒼玉品第三統材官校尉中左右三尚方中黃左右藏左校甄官平準奚官等令左校坊鄴中黃左右藏油官等丞及過江唯置一尚方又省御府至哀帝時桓溫表省少府以并于丹陽尹孝武復置宋少府領左右尚方御府東治南治平準等令丞齊又加以領左右尚銀署梁以少府為夏卿統材官將軍左右中尚方甄官平水南塘邸稅庫東西治中黃細作炭庫紙官染署等令丞班第十一品從第四陳因之後魏少府宗正太僕廷尉司農鴻臚為六次卿第二品上太府末改少府為太府北齊不置少府其左中右三上方司染諸治及細作甄官等署並隸太府寺至隋煬帝大業五年始分太府為少府監置監一人從三品少監一人從四品丞三人統左尚右尚內尚司織司染鎧甲弓弩掌冶等署其後又改監為令少監為少令併司織司染為織染署廢鎧甲弓弩二署皇朝因為監龍朔二年改為內府監咸亨元年復為少府監

光宅元年改為尚方監神龍元年復舊開元初分甲鎧弓弩別置軍器監十二年省軍器監其作並歸少府尋又于北都置軍器監

少監二人從四品下隋煬帝置少監一人從第四品皇朝因置二人龍朔咸亨光宅

神龍並隨監改復

少府監之職掌百工技巧之政令總中尚左尚右尚織染掌冶五署之官屬庀其二徒謹其繕作少監為之貳凡天子之服御百官之儀制展采備物率其屬以供焉

丞四人從六品下漢置丞六人比千石後漢置一人以明法補魏晉因之宋齊梁陳皆

一人梁班第四後魏少府丞一人從五品中隋煬帝分太府寺置少府監置丞二人皇朝加置六人龍朔

七

咸亨光宅神龍並隨監改復開元二十二年減一人

主簿二人從七品下

晉令少府置主簿二人宋齊因之梁主簿七市之中第三隋煬

帝置主簿二人皇朝加置四人龍朔咸亨光宅神龍並隨監改復開元二十三年減二人

錄事二人從九品上

丞掌判監事凡五署所修之物須金石齒革羽毛竹木而成者則上尚書省尚書省下所由司以供給焉凡五署之所入于庫物各以名數并其州土所生以籍之季終則上于所由其副留于監有出給者則隨所供而印署之凡教諸雜作計其功之衆寡與其難易而均平之功多而難者限四年三年成其次二年

最少四十日作為等差而均其勞逸焉

凡教諸雜作工業金銀銅

鐵鑄錫鑿鏤錯鐵所謂工夫者限四年成以外限三年成平慢者限二年成諸雜作有一年半者有一年者有九月者有三月者有五十日者有四十日者

主簿掌勾檢稽失凡財物之出納工人之繕造簿帳之除附各有程期不如期者舉而按之

錄事掌受事發辰

中尚署令一人從六品上

漢少府屬官有尚方令丞後漢尚方令一人六百石

掌上手工御刀劍諸好器物及寶玉作器和帝時蔡倫為尚方令作秘劍皆有龍泉太阿之目及諸器械靡不牢固其後分為中左右三尚方魏氏因之晉過江左唯置一尚方哀帝以隸丹陽尹孝威帝復舊晉代掌造軍器宋高祖踐阼以相府部配臺謂之左尚方而本署謂之右尚方令丞各一人武帝改右尚

方曰御府。又置中署。隸右尚方。齊置左右尚方。合丞各一人。梁置左右尚方三令丞。其令並從九品。其後廢中尚方。唯存左右而已。陳因之。北齊太府寺管左中右三尚方。隋開皇中。有內左右三尚方。署猶屬太府寺。內尚方合二人。正八品下。掌諸織作。煬帝分屬少府。皇朝因置二人。省方字。但曰中尚。左右尚。開元十八年。省一人。升為從六品上。

丞四人。從八品下。漢魏已來皆隨署省置。後漢丞一人。四百石。魏晉宋齊皆隨署改易。

梁位在七班之下。為三品勳位。隋置丞四人。正九品下。皇朝因之。開元中。升其品。

監作四人。從九品下。

中尚署令掌供郊祀之圭璧。凡冬至祀昊天上帝以蒼璧。孟春祈穀。孟夏雩祀。季秋明堂祀。並以四圭。有邸。夏至祭皇地祇。以黃琮。祀日月以圭。邸祀東方青帝。以青圭。南方赤帝。以赤璋。西方白帝。以騶虞。北方黑帝。以元璜。中央黃帝。以黃琮。祭神州及岳鎮海瀆。大社大稷。皆以兩圭。有

邸。及歲時乘輿器玩。中宮服飾。彫文錯綵。珍麗之制。皆供焉。丞為之貳。每年二月二日。進鏤牙尺及木畫。月五日。進百索。綬帶。夏至。進雷車。七月七日。進七孔金鈿針。十五日。進孟蘭盆。臘日。進口脂衣香囊。每月進筆及擣衣杵。琴瑟琵琶絃。金銀紙。須則進之。不恒其數也。其所用金木齒革羽毛之屬。任所出州土。以時而供送焉。其紫檀。欄木。檀香。象牙。翡翠。毛。

黃嬰毛。青蟲。真珠。紫鑛。水銀。出廣州及安南。赤麋皮。琴瑟。赤珪。琥珀。白玉。碧玉。金剛鑽。盆灌。鑰石。胡桐律。大鵬砂。出波斯及涼州。麝香。出蘭州。銅鉢。銅出代州。赤生銅。出銅源。監也。

左尚署令一人。正七品下。後漢末分尚方為三中。左右。魏晉因之。晉過江。唯南方而已。宋齊梁陳有左右尚方。晉宋以來。並四百石。梁班從九品。北齊太府寺左中右尚方。隋開皇中。三尚方並屬太府寺。左尚令三人。掌造車輦。織扇。稍。毼。弓。劍。弩。戟。器仗。刀。鏃。膠漆。竹木。骨角。畫素。刻鏤。蠟。燭。

唐書

等皇朝置一人開元十八年為正七品下

丞五人從八品下

前後漢魏晉宋齊梁陳皆隨署置省梁選部左尚方丞為三品勳位

隋左尚方丞八人正九品下皇朝置五人開元十八年為從八品下

監作六人從九品下

左尚署令掌供天子之五輅五副七輦三輦十有二車大小方圓華蓋一百五十有六諸翟尾扇及大小織翰辨其名數而頒其制度丞為之貳凡皇太后皇后內命婦之重翟獸翟翟車安車四望金根等車皇太子之金輅輅車四望車王公已下象輅革輅木輅輅車公主玉妃外命婦一品獸翟車二品三品犢車

其制各有差其用金帛膠漆材竹之屬所出方土以

時支送

漆出金州竹出司竹監松出嵐勝州文栢出隴州梓楸出京兆府紫檀出廣州黃揚出荆

右尚署令一人正七品下

後漢分尚方為三中左右魏晉因之晉過江唯尚方

而已宋齊梁陳有左右尚方北齊亦有三尚方隋左右尚方屬太府寺令三人正八品下煬帝始改隸少府焉皇朝因置令二人掌造甲冑具裝刀斧鉞及皮毛雜作膠墨紙筆薦席等事開元十八年省一人升為正七品下

丞四人從八品下

漢魏已來與左尚方同隋右尚方丞六人皇朝置四人開元十八年

為從八品下

監作六人從九品下

左尚署令掌供天子十有二閑馬之鞍轡每歲京兆河南制革

理林爍金以為之送之于署令工人增飾而進焉及五品三部之帳備其材

革而修其制度丞為之貳凡刀劍斧鉞甲冑紙筆茵

席履舄之物靡不畢供其用綾絹金鐵毛革等所出

方土以時支送白馬尾白犛牛尾出隴右諸州翟尾孔雀尾白鷺鮮出安南江東貂皮出

諸軍

織染署令一人正八品上周官九職嬪婦化理絲帛考工記理絲麻而成之謂

之婦功漢少府屬官有東織西織成帝和平元年省東織更名西織曰織室後漢有織室丞一人此後無

聞北齊中尚方領涇州雍州絲局丞定州細綾局丞後周有司織下大夫一人掌凡機材之工隋煬帝置

司織署令丞後與司染署併為織染署周禮天官有染人掌染絲帛凡染春暴練夏纁元冬官有設色之

工五謂畫繪鐘篴幌也韋昭辨釋云平準令主染存常平之法故准而酌之兩漢並隸司農晉平准令有

監染吏六人初隸司農後屬少府宋順帝名准始改曰染署令齊復為平准令梁陳為平水令北齊太府

寺有司染署長秋寺有染局丞後周有染工上士一人又有司色下大夫一人隋初有司隸署隸太府寺

煬帝分屬少府大業五年合司織司染為職染署令二人皇朝置一人

丞二人正九品上漢魏已來並具于本署隋并司織司染為一署丞一人皇朝因之置

二人

監作六人從九品下

織染署令掌供天子皇太子及羣臣之冠冕辨其制

度而供其職務丞為之貳天子之冠二一日通天冠

二日翼善冠冕六一日大表冕二日衮冕三日鷩冕

四曰毳冕五曰絺冕六曰元冕弁二一日武弁二日皮弁幘二一日黑介幘二日平巾幘帽一日白紗帽太子之冠三一日三梁冠二日遠遊冠三日進德冠冕二一日衮冕二日元冕弁一日皮弁幘一日平巾幘臣下之冠五一日遠遊冠二日進賢冠三日獬豸冠四日高山冠五日却非冠冕五一日衮冕二日鷩冕三日毳冕四日絺冕五日元冕弁二一日爵弁二一日武弁幘三一日介幘二日平巾幘三日平巾綠幘凡織絰之作有十日一日布二日絹三日縹四日紗五日綾六日羅七日錦八日綺九日縹日日褐組綬之作有五一日組二日綬三日縹四日繩五日纓綉線之作

有四一日紬二日線三日絃四日網練染之作有六一日青二日絳三日黃四日白五日皂凡染大抵以草木而成有以花葉有以莖實有以根皮出有方土採以時月皆率其屬而修其職焉

掌冶署令一人正八品上

周禮冬官攻金之工六謂築冶泉臬段桃也秦及漢

諸郡國出鐵者置鐵官長丞晉衛尉屬官有冶令丞各一人掌工徒鼓鑄過江省衛尉而冶令始隸少府宋有東冶令丞西冶令丞齊因之梁有東冶令西冶令從九品下選部舊東冶重西冶輕然梁朝之西冶蓋宋齊南冶也陳因之後魏無聞北齊太府寺有司治令丞後周有冶工中士一人又有鐵工中士一人隋太府統掌冶署令二人掌金銀銅鐵器之屬并管諸冶煬帝改屬少府令從八品上皇朝因之省一人丞二人正九品上秦漢已來具上注隋太府寺統掌冶丞四人煬帝改屬少府皇朝因

之省
二人

監作二人從九品下

掌冶署令掌鑄鑄銅鐵器物之事丞為之貳凡天下諸州出銅鐵之所聽人私採官收其稅若白蠟則官為市之其西邊北邊諸州禁人無置鐵冶及採鋤若器用所須則具名數移于所由官供之私者私市之凡諸冶所造器物皆上于少府監然後給之其興農冶監所造者唯供隴右諸牧監及諸牧使

諸冶監各一人正七品下

秦漢內使及諸郡有鐵者則置鐵官長丞晉令諸冶官庫各置督一人宋書云江南諸郡縣有鐵者或置冶令或丞皆吳時置也齊梁有梅根諸冶令北

齊諸冶皆有局丞隋諸冶皆置監監有上中下三等皇朝因之掌鑄兵農之器以給軍旅屯田居人焉

丞一人從八品上

監作四人從九品下

諸冶監掌鑄鑄銅鐵之事以供少府監丞為之貳

北都軍器監監一人正四品上

開元初令少府監置十六年移向北都

少監一人正五品上

丞二人正七品

主簿一人正八品上

錄事一人正九品下

軍器監掌繕造甲弩之屬辨其名物審其制度以時

納于武庫少監為之貳焉

丞掌判監事凡材革出納之數工徒眾寡之役皆督課焉

主簿掌印及勾檢稽失

錄事掌受事發辰

甲坊署令一人正八品下

周禮考功記曰函人為甲犀甲七屬兕甲六屬合甲

五屬凡為甲必先為容然後制革權其上旅與其下旅而眾若一隋少府有甲鎧署皇朝改焉

丞一人正九品下

監作二人從九品下

弩坊署令一人正八品下

周禮司弓矢掌四弩凡弩夾庾利攻守唐大利車戰

野戰考工記弓人取六材必以其時幹也者以為遠角也者以為疾筋也者以為深膠也者以為和絲也者以為固漆也者以為受霜露也凡取幹之道有七栝為上檟次之檠桑次之橘次之木瓜次之荆次之竹為下隋有弓弩署皇朝改焉

丞一人正九品下

監作二人從九品下

甲坊令弩坊令各掌其所修之物督其繕造辨其粗良丞為之貳凡財物之出納庫藏之儲備必謹而守之

諸鑄錢監監各一人

周禮泉府上士四人掌市之征布又司市以商賈阜貨而行布

以泉府同貨而斂賒國克荒扎喪則市無征而作布鄭元云市不稅為民之用也金銅無克年因物貴大

鑄泉以饒民布及泉謂錢也漢書食貨志曰太公爲周立九府圜法錢圜函方輕重以銖故貨寶于金利于刀流于泉布于布束于帛周景王鑄大錢文曰寶貨內外皆有周郭秦兼天下銅錢文曰半兩重如其文漢興以秦錢重難用令人鑄榆莢錢文帝以錢益輕更鑄四銖錢文爲半兩除盜鑄錢令使民放鑄及武帝初鑄三銖錢重如其文禁人盜鑄有司言三銖錢輕更請郡國鑄五銖錢文曰五銖周郭其質又以人多奸鑄合京師鑄官赤仄一當五其後赤仄錢又廢于是悉除郡國毋鑄錢專令上林三官鑄錢自武帝元符年三官初鑄五銖錢至平帝元始中成錢二百八十億萬餘王莽變漢制始造大錢徑寸二分重十二銖文曰大錢五十後又多所改作及公孫述于蜀鑄錢人不便之故詔曰黃牛白腹五銖當復後漢光武除王莽所造復五銖錢靈帝鑄四出錢魏初專以粟帛爲貨明帝復立五銖錢至西晉不改吳孫權鑄大錢一當五百文又鑄一當千錢蜀劉備鑄一直百錢東晉沈充鑄小錢謂之沈郎錢宋文帝又鑄四銖錢體完厚孝武帝四銖形小薄少帝鑄二銖謂之來子錢又有斑環錢貫之以縷入水不沈南齊亦用

四銖梁武帝乃鑄二種錢內有周郭文曰五銖重如其文又除內郭謂之女錢百姓私用古錢有直百五銖女錢太平百錢定平一百五銖稚錢五銖對文等號輕重不一普通中議罷銅錢鑄鐵錢陳初有梁末兩柱及鷺眼錢時雜用之文帝改鑄五銖宣帝又鑄大貨六銖後魏太和十九年鑄錢文曰太和五銖永安二年改鑄文曰永安五銖宋魏齊文襄以錢文五銖名須稱實一文重五銖計百錢重一斤四兩二十銖北齊文宣帝鑄常平五銖重如文周武帝鑄布泉錢以一當五與五銖並行建德中復鑄五行大布一當十宣帝又鑄永通萬國以一當千隋高祖以天下重如其文每一千重四斤一兩自漢至隋雖時或輕重皆用五銖皇朝武德中悉除五銖更鑄開通元寶錢乾封初又鑄乾封泉寶錢尋廢開元中以錢濫惡江淮間尤甚有勅禁斷令御史往江淮間收斂納官鎔之其求稍廣州縣恐其錢數不充隨以好錢繼之自是百姓財帛耗損御史坐是左遷舊法每一千重六斤四兩近所鑄者多重七斤錢文本歐陽詢所書錢官漢氏初屬少府後屬水衡後漢屬司農魏晉已

下或屬少府或屬司農皇朝少府置十鑪諸州亦皆屬焉及少府罷鑄錢諸州遂別今絳州三十鑪揚宜鄂蔚各十鑪益鄧柳各五鑪揚州三鑪定州一鑪

諸鑄錢監以所在州府都督刺史判之

副監一人上佐判之

丞一人判司判之

監事一人叅軍及縣尉知之

錄事府史士人為之

諸互市監監各一人從六品下

漢魏已降緣邊郡國皆有互市與諸蕃交易致其物產也並郡縣主之而不別置官吏至隋諸緣邊州置交市監視從第八品副監視正第九品皇朝因置之各隸所管州府監加至正六品下改副監為丞品第八下光宅中改為通市監後又復舊為互

市監

丞一人正八品下

隋置交市副監皇朝改為互市監丞

諸互市監各掌諸蕃交易之事丞為之貳凡互市所

得馬駝驢牛等各別其色具齒歲膚第以言于所隸

州府

州府為申聞

大僕差官吏相與受領印記上馬送京

師餘量其眾寡並遣使送之任其在路放牧焉每馬

十疋牛十頭駝驢驘六頭羊七十口各給一牧人

非若理喪失其部使及遞人改酬其直其營州管內蕃馬出貨選其少壯

者官為市之

唐六典卷二十三終

大唐六典將作都水監卷第二十三

唐 元宗御 撰

集賢院學士兵部尚書兼中書令修國史上柱

國開國公臣李林甫等奉 敕注上

將作監

大匠一人

少匠二人

丞四人

主簿二人

錄事二人

府十四人

史二十八人

計史三人

亭長四人

掌固六人

左校署

令二人

丞四人

府六人

史十二人

監作十人

右校署

令二人

丞三人

府五人

史十人

監作十人

典事二十四人

中校署

令一人

丞三人

府三人

史六人

監事四人

典事八人

掌固一人

甄官署

令一人

丞二人

府五人

史十人

監作四人

典事十八人

百工監

監一人

副監一人

丞一人

錄事一人

府一人

史三人

監作四人

典事二十人

就谷監

監一人

副監一人

丞一人

錄事一人

府一人

史三人

監作四人

典事二十人

庫谷監

監一人

副監一人

丞一人

錄事一人

府一人

史三人

監作四人

典事二十人

太陰監 二十八人

監一人

副監一人

丞一人

錄事一人

府一人

史三人

監作四人

典事十人

伊陽監 二十八人

監一人

副監一人

丞一人

錄事一人

府一人

史三人

監作四人

典事十人

都水監 二十八人

使者六人

丞二人

主簿一人

錄事一人

府五人

史十人

亭長一人

掌固四人

舟楫署

令一人

丞二人

府三人

史四人

監漕四人

漕史三人

典事三人

掌固三人

河渠署

令一人

丞一人

府三人

吏六人

河隄謁者六人

典事三人

掌固四人

長上魚師十人

短番魚師一百二十人

明資魚師一百二十人

諸津每津令一人

丞一人

錄事六人

府一人

史二人

典事三人

津吏五人

將作監大匠一人從三品左傳云少昊氏五雉為五

職漢書百官表云將作少府秦官掌治宮室有兩丞
左右中候景帝改曰將作大匠秩二千石屬官有右
庫東園主章左右前後中校七令丞又主章長丞武
帝改東園主章曰木工成帝省中候及左右前後中
校五丞後漢光武中元年省常以謁者兼之至章帝
建初元年又置魏因之晉將作大匠置功曹主簿五
官等員掌土木之役過江後及宋齊並不常置梁天
監七年置十二卿改將作大匠為大匠卿是為秋卿
班第十品正第五陳因之後魏太和初將作大匠從
第二品下二十二年降為從二品北齊因之後周有

匠師中大夫一人。掌城郭宮室之制及諸器物度量。又有司木中大夫一人。掌木工之政令。隋將作寺置大匠一人。從三品。開皇二十年。改為將作監。以大匠為大監。煬帝大業五年。正四品。十三年。又改大監為令。皇朝改置大匠少匠丞主簿等員。龍朔元年。改為繕工監。咸亨元年。復舊。光宅元年。改為營繕監。龍神元年。復舊。

少匠二人。從四品下

後周官有少匠師下大夫一人。隋初將作無少匠。開皇十二年。

改寺為監。大匠為大監。始置副監一人。煬帝改副監為少監。大業三年。改少監為少匠。五年。又改少匠為少監。正五品。十三年。又改為少令。皇朝改置少匠二人。龍朔咸亨光宅神龍隨監改復。

將作大匠之職。掌供邦國修建土木工匠之政令。總四署三監百工之官屬。以供其職事。少匠貳焉。凡西京之大內大明興慶宮。東都之大內上陽宮。其內外

廓臺殿樓閣。并仗舍等。苑內宮亭。中書門下。左右羽林軍。左右萬騎仗。十二閑廐。屋宇等。謂之內作。凡山陵及京都之太廟郊社諸壇廟。京都諸城門。尚書殿中。秘書內侍省。御史臺。九寺。三監。十六衛。諸街使。駑坊。溫湯。東宮諸司。王府宮舍屋宇。諸街橋道等。並謂之外作。凡有建造營葺。分功度用。皆以委焉。凡修理宮廟。太常先擇日以聞。然後興作。

丞四人。從六品下

漢將作有丞二人。秩六百石。後漢置一人。魏晉因之。東晉宋齊有事

則置無事則罷。梁天監七年。置大匠丞一人。班第三。陳因之。後魏從五品。太和二十二年。第七品下。北齊丞四人。從第七品上。後周匠師上士一人。隋將作丞二人。從六品。大業十三年。加至從五品。皇朝加丞至

四人從
六品下

主簿二人從七品下

晉將作置主簿員江左有事則置無事則省梁天監七年復置

將作主簿一員七品班第三北齊將作寺有功曹主簿員若有營作又別立長史司馬主簿各一員隋將

作主簿二人皇朝因之

錄事二人從九品上

丞掌判監事凡內外繕造百司供給大事則聽制勅

小事則俟省符以諮大匠而下於署監以供其職凡

諸州匠人長上者則州率其資納之隨以酬顧凡功

有長短役有輕重

凡計功程者四月五月六月七月為長功二月三月八月九月為中

功十月十一月十二月正月為短功

凡啓塞之時火土之禁必制其經

制而舉其條目

凡四時之禁每歲十月以後盡於二月不得起治作冬至以後盡九月不

得興土工春夏不伐木若臨事要行理不可廢者以從別式

凡營造修理土木瓦

石不出於所司者總料其數上於尚書省凡營軍器

皆鐫題年月及工人姓名辨其名物而閱其虛實

主簿掌印勾檢稽失凡官吏之申請糧料俸食務在

候使必由之以發其事若諸司之應供四署三監之

財物器用違闕隨而舉焉

錄事掌受事發辰

左校署令二人從八品下

周官有攻木之工七謂輪輿弓廬匠車梓也秦漢有

左右前後中校五令丞後漢唯置左右梓令丞各一人令六百石又有材官校尉魏并左校於材官署過

江省將作大匠而左右校隸少府又改材官校尉為將軍罷左校令宋齊梁陳又有左校令丞別置材官將軍司馬北齊太府寺有左校署令丞後周有掌材上士隋將作領左校署令二人皇朝因之丞四人正九品下漢成帝省左右前後中五校丞後魏因之東晉隸少府宋齊梁北齊皆有丞後周有掌材中士二人隋左校丞四人皇朝因之

監作十人從九品下

左校令掌供營構梓匠之事致其雜材差其曲直制

其器用程其功巧丞為之貳凡宮室之制自天子至

於士庶各有等差天子之宮殿皆施重拱藻井王公諸臣三品已上九架五品已上七

架並廳厦兩頭六品已下五架其門舍三品已上五架三間五品已上三間兩厦六品已下及庶人一間兩厦五品已上得制鳥頭門若官修者左校為之私家自修者制度准此凡樂縣篋虞兵

仗器械及喪葬儀制諸司什物皆供焉奠虞謂罇鐘編鐘編磬之屬器械謂仗床鞍架杻械之屬喪儀謂棺槨明器之屬什物謂机案櫃檻勅函衡權剗確之屬

右校署令二人從八品下後漢安帝建光三年置左校令魏因之晉少府屬官有左校無右校其職蓋并于左校矣宋齊梁陳皆無北齊太府寺官左校亦無右校隋置右校署令丞掌營構工作之事皇朝因之

丞三人正九品下漢左校丞一人三百石魏因之宋齊梁陳並置北齊省隋右校置丞

三人皇朝因之

監作十人從九品下

右校令掌供版築塗泥丹雘之事丞為之貳凡料物支供皆有由屬審其制度而經度之凡修補之料每歲京北河南及

諸州支送麥粳三萬圍麥麩一百車麻擣二萬斤其石灰赤土之屬須則市供不恒其數

中校署令一人從八品下漢將作左右前後中五校皆有令丞自後不置皇朝

置丞三人正九品下漢成帝省皇朝復置

監事四人從九品下

中校令掌供舟車兵仗廐牧雜作器用之事凡行幸

陳設供三梁竿柱閑廐繫飼則供剉確行槽鞍架禱

祀祭祀則供棘葛竹整內外營造應供給者皆主守

之丞為之貳舊將作寺百工署掌營棘葛槍子土塼石作之事開元十五年改百工署為監

其職掌各分入諸署槍子入左校石凡監署役使車

作入甄官棘葛土塼等入於此署

牛皆有年支草豆據其名簿閱其虛實受而藏之以給於車坊

甄官署令一人從八品下周禮搏埴之工二謂陶與

有前後中甄官令丞晉少府領甄官署掌埴瓦之任

宋齊有東西陶官瓦署督令各一人北齊太府寺統

甄官署甄官又別領石窟丞後周有陶工中土一人

掌為樽彝簠簋等器隋太府寺統甄官署令丞二人

皇朝改屬將作丞二人正九品下後漢前後中三甄官各丞一人晉

隋甄官丞二人皇朝因之監作四人從九品下

甄官令掌供琢石陶土之事丞為之貳凡石作之類

有石磬石人石獸石柱碑碣礮磬出有方土用有物
 宜凡磚瓦之作瓶缶之器大小高下各有程準凡喪
 葬則供其明器之屬別敕葬者供餘並私備三品以上九十事
 五品以上六十事九品以上四十事當曠當野祖明
 地軸誕馬偶人其高各一尺其餘音聲隊輿僮僕之
 屬威儀服玩各視生之品秩所有以瓦木為之其長
 率七寸

百工就谷庫谷斜谷太陰伊陽監監各一人正七品

副監一人從七品下周禮山虞林衡並掌斬伐林木之事歷代皆有其官皇朝取其

義而並置之庫谷監在鄆縣就谷監在熱屋縣百工監在陳倉太陰監在陸渾縣伊陽監在伊陽縣

丞一人正八品上

錄事各一人

監作各四人從九品下太陰監伊陽監各典事十人

百工等監掌採伐林木之事辨其名物而為之圭守

凡修造所須材幹之具皆取之有時用之有節

都水監使者二人正五品上本周官州衡之職漢太

爵中尉其屬官各有都水長丞武帝置水衡都尉掌
 上林苑有五丞其屬官有上林均輸御羞禁園鞞濯
 鍾官辨鍾令丞水衡官水司空都水農倉又甘泉上
 林都水七官長丞皆屬焉至成帝以都水官多置左
 右使者各一人則劉向護左都水使者是也至哀帝
 罷之王莽改水衡都尉曰子虞後漢省都水以屬郡
 國而制河隄謁者五人魏因之又兼有水衡都尉主
 天下水軍舟船器械晉置都水臺都水使者一人掌

舟楫之事官品第四又有左右前後中五水衡晉起
 居注及元康百官名陳慎戴熊俱以都水使者領水
 衡都尉宋孝武帝省都水臺置水衡令齊氏復置都
 水臺使者一人梁武帝天監七年改為太舟卿為東
 卿班第九吏員依晉又加當關四人陳因之後魏亦
 二官並置建都水使者正第四品中水衡都尉從五
 品中太和二十二年都水使者從五品而省水衡北
 齊都水臺使者二人後周有司水中大夫一人省都
 水臺使者二人從第五品有丞參軍河隄謁者錄事
 船局都津尉丞典作津長等開皇三年省都水入司
 空十三年復置仁壽元年改為都水監煬帝復改為
 使者正五品統舟楫河渠二署大業五年又改使者
 為監加至四品又置少監為五品復改監為令從三
 品少監為少令從四品皇朝改為都水署隸將作令
 從七品下貞觀中復改為都水使者從五品上龍朔
 二年改為司津監咸亨元年復為都水使者光宅元
 年改為水衡都尉
 神龍九年復舊

都水使者掌川澤津梁之政令總舟楫河渠三署之

官屬

舟楫署開元二十三年省

辨其遠近而歸其利害凡漁浦之

禁衡虞之守皆由其屬而總制之凡獻享賓客則供

川澤之奠凡京畿之內渠堰陂池之壞決則下於所

由而後修之每渠及斗門置長各一人以庶人年五十以上并勳

官及停家職資有幹用者為之至溉田時乃令節其水之多少均其

灌溉焉每歲府縣差官一人以督察之歲終錄其功

以為考課

丞二人從七品上

漢書都水衡皆有丞後漢省晉初省都水使者有參事二人蓋丞

之職也宋因之孝武帝省都水臺置水衡令亦無丞
 梁天監七年置大舟卿始置丞一人班第一陳因之
 後魏都水有參事六人北齊有參事十人並丞之任
 也隋初置都水臺有丞二人正第八品上大業三年

加從七品。皇朝改為都水署丞。從八品下。貞觀中改為使者。以署為監。加丞秩。至從七品上。

主簿一人。從八品下。

晉令。水衡都尉置主簿一人。又左右前後中五水衡皆有主簿。

梁天監七年。大舟主簿七班之中。第三與宗正主簿同。後魏北齊並不置。大業中置主簿一員。皇朝因之。

丞掌判監事。凡京畿諸水。禁人因灌溉而有費者。及

引水不利而穿鑿者。其應入內諸水。有餘則任諸王

公公主百官家節而用之。

主簿掌印。勾檢稽失。凡運漕及漁捕之有程者。會其

日月而為之。糾舉。

舟楫署令一人。正八品下。

漢中尉屬官有都船令丞。水衡都尉有輯濯令。晉水

衡令各有舩曹吏。齊職儀有舩官典軍一人。後周有舟工中士一人。隋都水使者領掌舩局都尉二人。煬

帝改為舟楫署。令一人。皇朝因之。

丞二人。正九品下。

漢有都船丞。輯濯丞。隋煬帝置舟楫署。令二人。皇朝因之。

舟楫令掌公私舟舩及運漕之事。丞為之貳。諸州轉

運至京都者。則經其往來。理其隱失。使監漕監之。

河渠署令一人。正八品下。

晉及兩漢都水水衡屬官。有河隄謁者。則河渠署令

也。隋煬帝取史記河渠書之義。以名署。置令一人。皇朝因之。領河隄謁者魚師者。

丞一人。正九品下。

隋煬帝置河渠署。置丞一人。皇朝因之。

河渠令掌供川澤魚鹽之事。丞為之貳。凡溝渠之開塞。漁捕之時。禁皆量其利害。而節其多少。每日供尚食魚。及中書門下官應給者。若大祭祀。則供其乾魚。

魚醢以充籩豆之實凡諸司應給魚及冬藏者每歲支錢二十萬送都水命河渠以時價市供之

諸津令一人正九品上列女傳有趙津吏女自後無聞晉令諸津渡二十四所各

置監津吏一人北齊三局尉皆分司諸津橋之事後

周有掌津中士一人掌津渡川瀆之制而為之橋梁

隋都水領諸津上津每尉一人丞一人中津尉丞各

置令一人下津尉一人每津典作一人津長四人皇朝改

丞一人從九品下皇朝因隋置諸津在京兆河南界者隸都水監在外者隸當州界

諸津令各掌其津濟渡舟梁之事丞為之貳

唐六典卷二十三終

